

Hercegovačko-neretvanskog kantona

USTAVNI SUD FEDERACIJE BOSNE I HERCEGOVINE

790

Ustavni sud Federacije Bosne i Hercegovine u predmetu utvrđivanja izvršenja odluka Ustavnog suda Federacije Bosne i Hercegovine, na osnovu člana 5. stav 2. Zakona o postupku pred Ustavnim sudom Federacije Bosne i Hercegovine („Službene novine Federacije BiH“, br.: 6/95 i 37/03) i člana 61. stav 7. Poslovnika Ustavnog suda Federacije Bosne i Hercegovine („Službene novine Federacije BiH“, br.: 40/10 i 18/16) na sjednici održanoj dana 09.12.2020. godine, donio je

RJEŠENJE

Utvrđuje se da Presuda Ustavnog suda Federacije Bosne i Hercegovine, broj: U-22/16 od 06.03.2019. godine, koja je objavljena u „Službenim novinama Federacije BiH“, broj: 32/19 od 15.05.2019. godine, nije izvršena.

Rješenje objaviti u „Službenim novinama Federacije BiH“ i službenim glasilima kantona u Federaciji Bosne i Hercegovine.

Obrazloženje

Ustavni sud Federacije Bosne i Hercegovine (u daljem tekstu: Ustavni sud Federacije) je na sjednici Suda o vijećanju i glasanju, održanoj dana 06.03.2019. godine, odlučujući o zahtjevu zamjenika Predsjednika Federacije Bosne i Hercegovine Milana Dunovića za ocjenu ustavnosti odredaba čl. 29., 34., 35. i 36. Zakona o registraciji poslovnih subjekata u Federaciji Bosne i Hercegovine („Službene novine Federacije BiH“, br.: 27/05, 68/05, 43/09 i 63/14); čl. 53., 82., 147., 190., 278. i 305. Zakona o stvarnim pravima („Službene novine Federacije BiH“, br.: 66/13 i 100/13); čl. 41. i 58. Zakona o zemljišnim knjigama Federacije Bosne i Hercegovine („Službene novine Federacije BiH“, br.: 58/02, 19/03 i 54/04); čl. 70., 128., 130., 131., 136., 147., 163., 167., 176. i 237. Zakona o nasljeđivanju u Federaciji Bosne i Hercegovine („Službene novine Federacije BiH“, broj: 80/14); čl. 238. i 258. Porodičnog zakona Federacije Bosne i Hercegovine („Službene novine Federacije BiH“, br.: 35/05, 41/05 i 31/14) i člana 23. Zakona izvršnom postupku („Službene novine Federacije BiH“, br.: 32/03, 52/03, 33/06, 39/06, 39/09, 35/12 i 46/16), donio je presudu kojom se utvrđuje da član 29. tačka 2) u dijelu koji glasi: „notarski obrađen“ i tačka 3) u dijelu koji glasi: „notarski utvrđen“ i član

36. stav (1) u dijelu koji glasi: „notarski obrađene“ Zakona o registraciji poslovnih subjekata u Federaciji Bosne i Hercegovine nisu u skladu sa Ustavom Federacije Bosne i Hercegovine; član 53. stav (2) u cjelini i stav (3) u dijelu koji glasi: „u kojem slučaju ta isprava mora biti notarski obrađena“, član 82. stav (2), član 147. stav (5), član 190. stav (1) u dijelu koji glasi: „u formi notarski obrađene isprave“, član 278. stav (2) u dijelu koji glasi: „mora biti u obliku notarski obrađene isprave i“ i član 305. stav (2) Zakona o stvarnim pravima nisu u skladu sa Ustavom Federacije Bosne i Hercegovine; član 41. stav (2) Zakona o zemljišnim knjigama Federacije Bosne i Hercegovine nije u skladu sa Ustavom Federacije Bosne i Hercegovine; član 128. u dijelu koji glasi: „u formi notarski obrađene isprave“, član 130. stav (1) u dijelu koji glasi: „koji mora biti u formi notarski obrađene isprave“, član 131. stav (3) u dijelu koji glasi: „učinjen u formi notarski obrađene isprave i“, član 136. stav (2) u cjelini i stav (3) u dijelu koji glasi: „u istoj formi“, član 147. stav (1), član 167. stav (3), člana 176. stav (2) i član 237. stav (6) u dijelu koji glasi: „Izjava o primanju nasljeđa ili o odricanju od nasljeđa koja je podnesena sudu mora biti notarski obrađena, kao i punomoć za davanje nasljedničke izjave“ Zakona o nasljeđivanju u Federaciji Bosne i Hercegovine nisu u skladu sa Ustavom Federacije Bosne i Hercegovine; član 258. stav (2) Porodičnog zakona Federacije Bosne i Hercegovine nije u skladu sa Ustavom Federacije Bosne i Hercegovine. Ustavni sud Federacije donio je i prijelazno rješenje kojim jedao mogućnost Parlamentu Federacije Bosne i Hercegovine da u roku od najviše šest mjeseci od dana objavljivanja presude u „Službenim novinama Federacije BiH“ uskladi odredbe zakona koje su utvrđene kao neustavne sa Ustavom Federacije Bosne i Hercegovine, do kada se iste mogu primjenjivati.

Ustavni sud Federacije je aktom broj: S-48-1/20 od 14.09.2020. godine, zatražio od Premijera Federacije Bosne i Hercegovine izjašnjenje o izvršenju presuda Ustavnog suda Federacije. Zahtjevi su se odnosili na izvršenje 21 presude Ustavnog suda Federacije, gdje se između ostalih nalazi i Presuda broj: U-22/16 od 06.03.2019. godine.

Premijer Federacije Bosne i Hercegovine je aktom broj: 03-01-1236/2020 PO od 09.11.2020. godine, dostavio Ustavnom sudu Federacije Izjašnjenje Vlade Federacije Bosne i Hercegovine, V.broj: 1504/2020 od 05.11.2020. godine. U vezi izvršenja pomenute presude navodi se da je Vlada Federacije Bosne i Hercegovine na 192. sjednici održanoj dana 26.09.2019. godine utvrdila i u hitnu parlamentarnu proceduru uputila Prijedloge izmjena pet zakona, i to: Zakona o registraciji poslovnih subjekata u

Hercegovačko-neretvanskog kantona

Federaciji Bosne i Hercegovine, Zakona o stvarnim pravima, Zakona o zemljišnim knjigama Federacije Bosne i Hercegovine, Zakona o nasljeđivanju u Federaciji Bosne i Hercegovine i Porodičnog zakona Federacije Bosne i Hercegovine. Predstavnički dom Parlamenta Federacije Bosne i Hercegovine na 7. sjednici održanoj dana 29.10.2019.godine razmatrao je i usvojio navedene Prijedloge Zakona po hitnom postupku sa određenim brojem amandmana. Dom naroda Parlamenta Federacije Bosne i Hercegovine na 2. vanrednoj sjednici održanoj dana 14.11.2019. godine je iste razmatrao, vratio ih u redovnu proceduru, usvojio u formi nacрта i uputio u javnu raspravu. Nakon provedene javne rasprave, Federalno ministarstvo pravde dostavilo je Vladi Federacije Bosne i Hercegovine Nacrte navedenih Zakona na dalju proceduru. Vlada Federacije Bosne i Hercegovine na 236. sjednici održanoj 17.09.2020. godine utvrdila je i u parlamentarnu proceduru uputila prijedloge izmjena pomenutih pet zakona. Prema informaciji Predstavničkog doma Parlamenta Federacije Bosne i Hercegovine navedeni zakoni će biti uvršteni na dnevni red na jednoj od narednih sjednica tog Doma.

Kako u ostavljenom roku nije postupljeno po donesenoj presudi od strane nadležnih organa, Ustavni sud Federacije u funkciji zaštite načela ustavnosti kao osnova demokratije i vladavine prava, odlučio je kao u izreci rješenja iz sljedećih razloga:

Članom IV.B.3.7.c) (I) Ustava Federacije Bosne i Hercegovine propisana je nadležnost Premijera Federacije Bosne i Hercegovine, gdje je pored ostalog utvrđeno, da je Premijer nadležan za „provodjenje politike i izvršavanje zakona federalne vlasti, uključujući izvršenja odluka sudova Federacije“, dok je članom IV.C.3.12. Ustava Federacije Bosne i Hercegovine propisano da su odluke Ustavnog suda Federacije konačne i obavezujuće. Pored navedenih ustavnih određenja, čl. 40. i 41. Zakona o postupku pred Ustavnim sudom Federacije Bosne i Hercegovine propisane su pravne posljedice donesenih odluka.

Isto tako, članom 61. Poslovnika Ustavnog suda Federacije Bosne i Hercegovine propisano je da su odluke Ustavnog suda Federacije konačne i obavezujuće i da su tijela vlasti u Federaciji Bosne i Hercegovine u okviru svojih nadležnosti dužna provoditi odluke Suda, a u slučaju nepostupanja u izvršenju ili obavještenju Suda o preduzetim mjerama, Ustavni sud Federacije donosi rješenje kojim se utvrđuje da odluka Suda nije izvršena i dostavlja ga nadležnom tužilaštvu, odnosno drugom organu nadležnom za izvršenje kojeg odredi Sud. Polazeći od ustavnih i zakonskih odredbi, a nakon

uvida u podatke koje je dostavio Premijer Federacije Bosne i Hercegovine, Ustavni sud Federacije je utvrdio da presuda ovog suda broj: U-22/16 od 06.03.2019. godine nije izvršena.

Imajući u vidu sve navedeno, Ustavni sud Federacije odlučio je kao u izreci ovog rješenja.

Ovo rješenje Ustavni sud Federacije donio je jednoglasno u sastavu: dr.sc. Kata Senjak, predsjednica Suda, Vesna Budimir, Mirjana Čučković, Aleksandra Martinović i prof. dr. Edin Muminović, suda Suda.

Bosna i Hercegovina
FEDERACIJA BOSNE I HERCEGOVINE
USTAVNI SUD FEDERACIJE BOSNE I
HERCEGOVINE

Broj: U-22/16
Sarajevo, 09.12.2020. godine

Predsjednica
Ustavnog suda Federacije
Bosne i Hercegovine
Dr.sc. Kata Senjak, s.r.

Уставни суд Федерације Босне и Херцеговине у предмету утврђивања извршења одлука Уставног суда Федерације Босне и Херцеговине, на основу члана 5. став 2. Закона о поступку пред Уставним судом Федерације Босне и Херцеговине („Службене новине Федерације БиХ“, бр.: 6/95 и 37/03) и члана 61. став 7. Пословника Уставног суда Федерације Босне и Херцеговине („Службене новине Федерације БиХ“, бр.: 40/10 и 18/16) на сједници одржаној дана 09.12.2020. године, донио је

Р Ј Е Ш Е Њ Е

Утврђује се да Пресуда Уставног суда Федерације Босне и Херцеговине, број: У-22/16 од 06.03.2019. године, која је објављена у „Службеним новинама Федерације БиХ“, број: 32/19 од 15.05.2019. године, није извршена.

Рјешење објавити у „Службеним новинама Федерације БиХ“ и службеним гласилима кантона у Федерацији Босне и Херцеговине.

Образложење

Уставни суд Федерације Босне и Херцеговине (у даљем тексту: Уставни суд Федерације) је на сједници Суда о вијећању и гласању, одржаној дана 06.03.2019. године, одлучујући о захтјеву